

四庫全書

集部

欽定四庫全書

集部

宋百家詩存卷四

詳校官監察御史<sub>臣</sub>孫家賢

主事銜<sub>臣</sub>徐以坤覆勘

總校官庶吉士<sub>臣</sub>倉聖脉

校對官中書<sub>臣</sub>高 中

謄錄監生<sub>臣</sub>馮光煦

欽定四庫全書

宋百家詩存卷四

嘉善曹庭棟編

伐檀集

黃庶字亞父號青社分寧人少嗜學有大志慶厯二年時年二十五以詩賦登進士厯佐一府三州皆為從事踰十年郡之政巨細無不與大抵止於簿書訟獄而已生平抱負奇偉卒未一展皇祐五年自編所

作詩文二卷題曰伐檀蓋取素餐之義以自識愧云  
子三大臨庭堅叔達

偶書

此心為地把書耕若問生涯指六經欲語世人真富貴  
胸中珠玉又無形

遣懷

六載紅蓮客差池又一年無人和白雪有意補青天肝  
膽論興廢詩書謁聖賢尊中古日月窮達付陶甄

山居獨酌

山寒未放春消息獨把單醪慰寂寥  
書對聖賢為客主竹兼風雨似咸韶  
醉鄉城郭燈前到愁賊戎矛盞底銷  
野菜溪魚隨分有不堪回首叫簞瓢

贈山寺僧

慵飽浮圖世共憎蓬蒿師獨養牛耕  
田驅白石年常過林印青薪歲旋生  
竹似子孫憐筍茁樹添松柏補風聲  
眉頭怪得春來喜雨起蔬苗粒粒成

寄子蒙授常寧令

疎率君堪愛無心宦又高身思眠白屋人勉著青袍

去冬

調官京師於銓吏不得意  
欲致其官而歸予止之

號隱疑名福

前為寧鄉尉  
自號吏隱

貪

歸似姓陶常寧邑雖小應合得牛刀

山水卧屏

林泉生長厭應難更寫方屏幾曲閒仕宦東西苦無定  
此心長似宿家山

和劉卿材十詠

耕者

四海兵今息耕夫未得知黃梁不敢喫盃尚半蒿藜

牧豎

逐處隨青草生來不識愁旱田乾欲死拍手也須謳

紅樹

幾樹濃於茜斜陽景最幽忽因風雨盡全減十分秋

野廟

中國浮圖盛祈禳漸不過吾民非獨困山鬼恨尤多

堠子

一堠居市廛百堠居林莽土木若有情山中亦惆悵

水鴨

憶在山中日溪邊把釣鉤相逢恐驚起招手却回舟

溪聲

至音不可收今人滯形器欲知古樂心山中此聲是

草市

街市柴魚集應山雞犬號問知人苦樂米價不多高



龍潭

寂寞真龍去  
雲壇血不乾  
世情多冷暖  
對此鼻辛酸

溪橋

憶得別離日  
鄉橋柳脚斜  
讀君詩一轉  
全似到吾家

酒

千載醇醲意  
長隨麴蘖新  
解將今日月  
轉入古乾坤

協韻

悶至勝良藥  
愁來敵故人  
幾杯聊酩酊  
五斗趣還均

登鄭氏閣

林泉無價自由身，羶鎖登臨趣未真。  
望處好山俱得力，夜應明月不孤人。  
任從心外煩於蟻，長對尊中別有春。  
當日若知風物勝，定移雞犬過江濱。

前山皆秀可愛予家亭閣不能見故云

探春

雪裏猶能醉落梅，好營杯具待春來。  
東風便試新刀尺，萬葉千花一手裁。

題東寺柱

竹風松月牢於鎖，關閉人心物外情。  
燕雀聞經俱已慣，

歸來不怕讀書聲

教繩權學書偶成

文字有緣曾弄墨

楚俗子生周一年其日陳食飲硯墨金帛之具從兒戲弄聚家人觀以為

樂繩時  
先弄墨

見來官小免咨嗟喜將筆硯傳生計不失詩書

作世家字識姓名能指點寫因黎栗不傾斜著鞭莫落  
時人後三十塵埃監汝爺

和公美季點書事

知君行縣樂經見飽朝昏未忝富年戶牛羊落日村趁

雲看華沒衝雨渡涇渾頗得詩家助聊應慰旅魂

送石都官赴闕

為郎四十者堂有二親稀止仰官為養行應淚在衣  
白雲偏佇立黃犬好頻歸去有山公啓天心正似飢

席上送韋中舍歸襄陽

如君七十少梨栗有堅牙琴杖新行李雲泉舊世家  
愛求栽樹法拂拭釣魚車獨美今歸去青衫脫有涯

和陪丞相聽蜀僧琴

小園豈是春來晚四月花飛入酒杯都為主人尤好事  
風光留住不教回

次韻和雪霽遊西湖

雪為遊人意元朝變物華醉鄉銀作界詩客玉為家魚  
影紋冰縠禽蹤篆霰沙餘英恐銷盡目斷夕陽霞

次韻居正暮春感事

物報春光去已深殘紅滿地綠成陰晚花更好吟詩惜  
餘景應須載酒尋歡意莫教時節挫窮愁自倚歲寒禁

金匱要略卷四  
亭園況是登臨勝何必流年動素心

次韻元伯西軒桃李

李白桃紅氣味奢  
蚤須分付醉吟家  
春風春雨難期信  
便是無言做落花

望春偶書

信馬尋春上古原  
天工一幅繡平川  
花應笑我將詩句  
便當遊人費萬錢

次韻居正四月牡丹

時飲過客於  
丞相後園

四月殘紅日日稀  
平陽園檻正芳菲  
春知東館酣賓客  
應是陽和未放歸

和元伯走馬看牡丹

城中走馬趁殘春  
詩別餘花句句新  
何似園家不吟醉  
姚黃魏紫屬遊人

次韻子儀初夏偶作

醉紅方寂寞吟綠  
人裝成急雨荷宜  
聽清風簟可迎燕  
忙語物態花盡見  
時情獨有無言意  
不知枯與榮

陪丞相遊石子澗

賓吏親攜澗底行，潺湲風遞似相迎。  
只應山鬼知公意，

乞雨新添瀑布聲。

時久晴  
新得雨

次韻和真長四季牧童

許昌

怯雨宜晴不識愁，去隨青草牧春牛。  
無人古路歌兼笑，

歸去山花插滿頭。

曉牧侵星大暑天，晝尋芳樹綠陰眠。  
惜牛不使衝殘日，

歸帶黃昏飲小川。



角穿黃穗手橫笳秋到人間有鬢華落日西風歸去路  
枯桑黃葉兩三家

枯笛手持無律呂清風曲調逐時新數竿冬日渾無價  
暖靠牛眠不教人

次韻元伯曉出白門

山形雲滌萃屏曲溪色練鋪銀漢東樓臺一軸古今本  
行者往來圖畫中

栽竹

金史卷四  
卷四  
小檻栽培得此君綠陰疎韻似相親從來風月為三友  
吟社新添客一人

登鄆州谿堂

古鄆州有谿堂與州偕廢其地去  
今治所十五里好事者跡其名為

之韓公詩

石存焉

仁智模來物狀親登臨宜入古圖身慣看韓老詩中景  
樹色泉聲似故人

輦下會里人子蒙飲

秋風吹客衣歸思入夢寐相逢在千里一飲勝百醉果

脯隨分列不減到家味平生金石心顛倒獨莫弃何時  
不搔首共話醫國計恨未得杞梓欲把斤斧試塵埃  
履穿各走車馬地唯茲栖栖懷酒椀可以慰

探春

春色若有價黃金量山丘幾擬把酒吟浪欲開口酬今  
朝庭柳枝拗折絲已柔東風弄五色漸落草木稠我營  
賞春資甕盎蟻已浮山川天開畫祇擬酩酊遊

和白雲菴七首

金剛經  
卷四  
白雲菴

白雲無種滿地生有時出山為雨露老僧惆悵望雲歸  
盡日菴前自來去

清風軒

老僧拂榻人不知獨與清風事來去朝昏宴坐向軒中  
此身便是清風主

宴坐臺

老僧坐見萬物空往往終日居此臺破衣兀坐若枯木

山鳥不怕行莓苔

醒石

老僧拂拭待遊者雲骨一片莓苔青塵埃萬事心若醉  
到此不覺令人醒

磬石

古樂破散鄭衛起走入萬物不可名山中惆悵莫能到  
疑是舜時韶一聲

明月臺

金史卷八十二  
老僧山中嫌月窄夜獨上高高臺四邊不甯著閑樹  
故要滿坐清光來

白石澗

林間旋疊石為路日日自汲澗底泉老僧意趣似童子  
洗手濯足聽潺湲

登扶風王宗元山亭

雲收南山頭太白青崔嵬我有泉石夢坐對懷抱開小  
池數斛水涉鳥來毡毡遺翎與行跡縱橫在蒼苔憶得

釣磯上到家如一迴  
蔬畦參差綠采掇  
助酒杯痛飲不能去  
遶行猶徘徊主人林  
巖癖笑傲蒼煙堆  
心憂百里病良田正  
黃埃欲知主人喜雨  
抱山脚來

圖經云太白之半有橫雲

如瀑布則澍雨常以為候故語曰南山瀑布非朝即暮時久旱始得雨以為喜故云

### 遊石甕寺

飛泉自有迎客意  
聲到山前入人耳  
泉聲引行不知疲  
石路磽确折屐齒  
長安睫滿車馬塵  
林巖夜來夢寐雲  
煙郊原鋪古圖  
心眼開快明如洗  
渭流屈曲成大篆

書破野色為綠紙丘墟沈吟古興廢秋風正入紅樹起  
折碑斷垣卧荆棘意思紛亂不可理窮幽更下蒼崖根  
把酒坐聽潺湲醉山花似欲勸苦飲時散清香入人鼻  
奔走恨不身長遊喜寫姓名藏薜荔

送黃景微西遊

晦

先生古肝脾久恨不得識唯聞公卿家要作門下客千  
載卞和淚爭磨薦書墨姓名落四海履雜車馬跡塵埃  
十年衣幾度改顏色紛紛九衢中拭眼見珪璧敝褐理



衆人胸肺無丈尺從來飢渴心既見轉不釋斗酒聽語  
論今古吐白黑秋入汴柳枝買馬欲西適敵方豺狼驕  
似漢子弟國予知弱諸侯必得主父策

### 登見山樓

太守終南為客主出入厭倦馬與車與山朝夕欲還往  
作樓近在室一隅主人去久山寂寞正值青帝催焦枯  
我拘簿書甚杻械擺脫步上提酒壺郊原猶未見春色  
似據水墨長安圖也知好景天更惜高峯常是雲模糊

金匱山房詩集 卷四  
安得風伯持大箕掃灑百里如屏鋪顯昧萬狀古詩國  
收拾可禿千毫書我來願作風雅戶醉倒坐待明月扶  
去家若有巖下夢免復夜夜尋歸途

和題竹軒

小軒移得清風枝知君公退來忘機山禽自識主人慣  
客到有時驚不飛

宿趙屯

蘆花一股水弭楫日已暮山閒聞雞犬無人見煙樹行

逐羊豕跡始識石市路菱芡與魚蟹居人足來去漁家  
無鄉縣滿船載椎乳鞭笞公私急醉眠聽秋雨

宿采石

李謫仙  
舊墓

秋風宿蒹葭花落若霜雪江山古興廢荊棘壘出沒水  
收鳬鴈聲夜靜寒籟發漁舟自來去笑語載明月詩形  
動筆墨恨乏風雅骨謫仙為黃土冢平名突兀句編天  
下口千載字不滅人間比興復泉底魂魄悅坐誦姑熟  
語酌酒當棗栗醉夢若可見好句當須乞

謫仙有姑  
熟十詠

大孤山

彭蠡百里南國襟萬頃蒼煙插孤岑不知天星何時落  
春秋不書不可尋石怪木老鬼所附茲乃與水司浮沈  
鳴鳩大藤樹下廟祭血不乾年世深軸艫千里不敢越  
割牲灑酒來獻斟我行不忍隨人後許國肝膽神所歆  
落帆夜宿白鳥岸睥睨百遶寒藤陰銀山大浪獨夫險  
比干一片崔嵬心宦遊遠去父母國心病若有山水淫  
江南畫工今誰在拂拭東絹傾千金

汴河

汴都峩峩在平地宋恃其德為金湯先帝始初有深意  
不使子孫生怠荒萬艘北來食京師汴水遂作東南吭  
甲兵百萬以為命千里天下之腑腸人心愛惜此流水  
不啻布帛與稻粱漢唐關中數百年木牛可以腐太倉  
舟楫利今百於古奈何益見府庫瘡天心正欲醫造化  
人間豈無針石良窟穴但去錢穀蠹此水何必求桑羊

遊石池潭

吾家溪潭動百尺坐見遊魚可倒指月明無風水不動  
鉤絲鑑中出朱鯉乘閑具酒席草岸呼網一舉常百尾  
鱸霜炙玉眠鷗夷樹挂落日醉不起幾年手板負青山  
趁魚舷聲不入耳涼秋九月役吏事瘵馬奔走黃葉裏  
有酒不得好景飲訪古或問芻牧子指我石池十里近  
蒼苔畏崖碧無底楚王北遊歎寂寞創竒造幽有遺址  
舞陽民傳楚襄王遊此臨河以石為池我來徘徊知是否廢興盡可付流  
水髣髴故溪在吾目濯手漱齒有餘思開尊喜與風景

遇蘆花入杯勸人醉漁翁有意助酒卮青竹盡日垂空  
餌我疑溪靈靳異景不遣紅鱗滿人意人生天地未歸  
客計較貴賤羞犬彘當須醉倒載月歸不信鄉夢留不  
止

家僮來持雙井芽數數飲之輒成詩以示同舍  
我疑醇釀千古味寂寞散在山茶枝雙井名入天下耳  
建溪春色無光輝吾鄉茶友若敵國糞土尺璧珍刀圭  
嗟予奔走車馬跡塵埃荆棘生喉頤煮雲為腴不可見

青泉綠樹應相嗤長鬚前日千里至百芽包裹林巖姿  
開緘春風若滿手喜氣收拾人恐知江南陽和夜欲試  
小齋獨與清風期石鼎泉甘火齊得混沌不死元氣肥  
詩書坐對為客主一啜已見沆瀣醅通宵安穩睡物外  
家夢欲遣不肖歸不信試來與君飲洗出正性還肝脾

洛陽道中

秋風滿巾衣洛水行飲馬山川氣象老身若在古畫  
雲知客心峯色如埽灑荒草徧丘墟沈吟動舒瀉



竹軒

小軒與竹事還往庭下寂寂無客塵開書讀對聖賢語  
一畝清風為主人

賦聞角

角本金鼓儔獨主昏曉色日收雲氣黃月斜霜露白征  
夫朝夕聞淚落甲鎧黑時平腐橐韃白首眼不識嚴城  
重啓閉不廢角人職老農鼓腹聽安識天子德

賦小桐

小桐纔幾尺氣壓百歲樗雨露意未飽風月韻已孤鳳  
凰冑寂寞燕雀空踟躕天地有和氣想為桐之腴我願  
剗作琴獻上九重居坐使薰風還雖死骨不枯

賦八月竹

我養一軒竹秋來成綠陰萬物有衰意獨懷霜雪心西  
風嵇叔醉明月白公吟迴首看桃李何嘗費百金

遊雲門山

南山州之屏四時改顏色日夕太守宴供帳減繒帛更

求秉燭飲圖寫在四壁煙雲時藏埋景好疑愛惜我官  
府中塵喜與山相識泉石未還往愧負苦逋責秋風復  
杖屨持酒窮勝僻莓苔轉蒼崖郡國在几席廢興賦飛  
鳥牛羊自朝夕風物摹大句才薄徒噤嘿唯作酩酊歸  
山月吐半壁沈吟又慰喜三友添飲客

予於署居之南  
作亭朝夕以與

風月往還名之曰三友其

南軒與山相值故云耳

### 攜家遊矮松

矮松名載四海耳百怪老筆不可傳左妻右兒醉樹下

金華月人集  
卷四  
安得白首巢其巔

和柳子玉官舍十首

心適堂

一屏一榻無俗塵  
左置枯琴右開易  
重門不閉誰往還  
明月清風是相識

思山齋

吳兒心著吳山深  
終南滿目不自慰  
有時蟬蛻書几邊

夢到五湖千里外

君吳人

小池

清泉數斛闌幽事坐見鏡中魚往來浮萍蝕盡秋月面  
霜為一磨如匣開

新泉

牆根新冽寒泉眼風廊一股來冷冷燈花夜半知我喜  
恰是舊山穿石聲

竹塢

筍隨人意疎處生清風如歸自來去雖然不與俗子期

陰過鄰家亦銷暑

土榻

一云榻前鼓吹蛙一部榻上古木吟風  
雨客來相倚曲肱眠免令不解山公語

牀前一尺二尺泉牀後三枝五枝樹眠間圖似在家山  
夢魂不使東南去

怪石

山阿有人著薜荔庭下縛虎眠莓苔手摩心語知許事  
曾見漢唐池館來

一云山鬼水怪著薜荔天祿辟邪眠  
莓苔鉤簾坐對心語口曾見漢唐池

館來

茴香

鄰家爭插紅紫歸詩人獨行嗅芳草叢邊幽蟲更不凡

蝴蝶紛紛逐花老

茴香  
多靈

蜜蜂

秋成想見香租入菊露楓膠蜜幾脾日日山僮掃紅葉

蜂衙知是主人歸

君權酒卯  
入申出

芭蕉

有底春風能好事解將刀尺翦青天知君新得草書法

旋卷碧雲供小牋

君善  
草書

答王甫判官示遊興慶池之作

東池十里近遭匝風物飽南山若戶屏登臨四時好我  
初來長安腳擬朝夕到纏綿簿書閒拘窘若囚盜一歲  
無幾至荏苒成吏考夜夜千頃月只供釣魚老平生林  
泉心深竒欲傾倒咫尺迺尚爾滿意寧可保君官苦近  
市危坐若林槁偷閑呶呶中躍馬志歔暴登覽足意思  
滿腹若瓌寶歸來成新詩使我愧懷抱



次韻和酬雷太簡見貽之什

生長詩與書不信世道難出處愧古人章句得一官舌  
強不肯柔開口誰欣歡十年走塵土蹭蹬苦地寒紆朱  
非良貴寧較厚與單古心自突兀胸中鬱萬端昔常玩  
於水今乃知其濶身世心已灰人事鼻可酸病卧得君  
詩喜拭昏膜看意遠辭澹泊稠重欲相寬以言藥我病  
吳鱸佐秦餐大句牽勉酬韻高語難安

和象之雨後望少室山白雲

塵埃奔趨插手版十年已賣山中閒相逢少室若交舊  
白雲與我開容顏風驅煙氣去敝幕天覆碧玉無瑕癥  
我疑岳神宴天上埽灑伊洛為圖看又疑山鬼有寒稅  
續絮萬疊輸陰官色如可餐無厭飽頗梨為甌炊琅玕  
去去還觀不能已一里迴首百據鞍長安許生以畫名  
閒暇拂拭新素紈能求山高水深趣常恐造化在筆端  
每觀雲泉得意處擬寫男女家其間今對異景慙首鼠  
愚若犬彘編槽闌君詩託我有深意明月一杯心往還

席上賦別南宮希元

十年眯車塵思歸入夢寐晨興見家山兩目如去翳故  
人又過我相對有餘意當尊話舊遊強笑復吁歎君名  
在鄉書捧檄不肯愧高堂去白髮有淚落鞭轡里人獻  
吉夢四壁衆所義希元應鄉書里人屢獻夢長老以為吉祥我喜先子言在  
耳若龜筮先子嘗云希元孝而好學必不窮人生老聚散酒薄滿莫避  
相見意最長強飲不能醉

皇祐五年三月乙巳齊大風海水暴上壽光千

乘兩縣民數百家被其災而死者幾半丞相  
平陽公以同年李君子儀往賑之以詩見寄  
因而和酬

鹽民沒利家海隅奔走末業田園蕪天意似遣陽侯驅  
卷水沃殺煎海爐怒濤百尺不及逋老幼十五其為魚  
耕夫蠶婦來躊躇百金不易箔與鉏

齊人言蠶者  
舉箔為數

我公

偃息哀其愚埋掩尸骸凋惻孤吾黨子儀馳赤駒口齋  
公惠人人噓日走百里嫌晷晷不飲不食顏色癯去時

萬樹如束枯回首綠暗紅紫疎寄詩百言舉其麤我愧  
安飽心如苴

元伯示清水泊之什因和酬

十年不踏故溪上有時夢去千里遊每思魚行鑑中見  
青衫手版如仇讎秋風鱸肥美無價莫怪張翰不可留  
前日誦君清水吟胸中突起百尺愁兒牽女嬰走塵土  
百年一半如葉投清風明月無界畔白首願作山中侯  
君詩寫出漁者意老景一片在目眸清泉釣舟未入手

金匱要略卷四  
聊可觀誦忘吾憂

送劉孟卿遊天台鴈蕩二山

治源先生高七十山水病僻不可瘳竈無炊煙不顧計  
窮幽極怪如仇讎有時清風明月對好景霹靂拔卻大  
樹不迴頭四方泉石朝入耳杖屨百里夕已投大笑箕  
山不敢出走避軒冕豈自由天台鴈蕩潑上心暑焦毛  
髮不肖留縈紆長淮下平席倒指計日觀怒濤君詩功  
刻造化骨吳越氣象當先愁古今吟力未到處好句願

備幽人收此行詩是圖畫二山筆歸日借我目一遊

次韻和元伯南樓避暑遇雨之作

城頭歸鳥喘塌翼夕陽闌干手可炙長虹如篆報雨來

雲脚插下千里赤南山端正太古屏飛廉埽雲為潑墨

安得老筆描寫住白頭許生死堪憶

長安許生踰八十以水墨名於時今

死已

和韻和子儀聞蟬

落日桂樹間長我庭下陰園林動秋意高蟬忽微吟清

風轉餘聲杳若下  
遠岑微物感時節  
鏗錡吐商金古樂  
久破碎茲蟲抱全  
音荒忽尚偃蹇激  
起壯士心願為秋  
蟬操被之朱絲琴

求郭侍禁水墨樹石

塵埃典却林泉閒  
家夢夜夜歸雲端  
知君弄筆欺造化  
乞我幾株松石看

公是集

劉敞字原父臨江人  
慶厯六年舉進士  
廷試第一通



判蔡州累遷知制誥以疾求退仁宗謂執政曰如敞者豈易得邪賜新橙五十旋改集賢院學士留御史臺熙寧元年卒年五十私謚曰公是先生敞為人明白俊偉自六經百氏下至傳記無所不通歐陽公每於書有疑折東來問輒對使揮筆答之弟攸子奉世俱以博學稱

### 荒田行

大農棄田避征役小農挈家就兵籍良田茫茫少耕者

秋來雨止生荆棘縣官募兵有著令募兵如率官有慶  
從今無復官勸農還逐魚鹽作亡命

小孤山

驚波觸南崖反怒射北壁蒼山與相排所謂小孤石蟠  
根萬仞淵聳角百丈碧祠堂豁精嚴行旅進粉澤或云  
婦女神肸鬩頗有迹吾知定名意似欲旌介特流俗失  
其真傳聞莫開釋居人私其利禍福妄損益競為媚女  
說以誣聰明德先王拱山川祀典有廟食奈何媚於竈

屈已忘正直吾欲為小孤作書解行客復恐不見從嗟  
哉世多惑

雜詩二首

鑿井取泉飲上山采薇食豈不信憔悴所願皆我力泉  
也非難致薇也不易得志士恥徒飽衆人苟所獲犧牲  
畏芻豢樊籠害羽翼悟理宜在蚤無為晚更惑

道薄德亦散功名為時須用力世所賢守正衆云愚智  
者競高目小人復爾圖悠悠三季後此風益已渝安知

金匱要略卷之四  
治未病舐痔而多車堯舜無能名越哉已矣夫

示張直溫

築山必使高鑿井必使深百正戒淺近盛德羞浮沈焉  
有尺寸枝能棲垂天禽焉有升斗泉能容橫江鱣借茲  
論物理足以開君心嗑在容不足弱在力不任大道如  
路然固無古與今

漁翁

白頭老翁披敗蓑求魚終日罩淮波波深水闊望不絕

網目雖繁能幾何  
大魚鱣鰻入淵底  
小魚鯢鯢登網裏  
手輟足趺吁可憐  
何不為網大如天

曉至池上

宿雨墜高葉  
薄雲麗朝陽  
園林澹澹秋  
庭戶蕭蕭涼  
水淺魚怫鬱  
荷深鷺低昂  
幽懷欣自得  
佳賞契所望  
忽恐羣動作  
深林沸蜩蟬

金山廨院

門前松響亂  
頭上壁上江  
圖流眼前松  
聲水響兩不辨

似有疑非心悠然安得乘興浮輕船

晚涼

落日蔽崑崙微風起閭闔蟲語聲悽惻樹影翻離合蚤  
露結明的圓蟾瑩塵匣浩歌始自放喟此區中狹

過聖俞讀其近文明日寄之

昨日過君家雙瞳偶清刮非無俗塵累喜見秋陰豁佳  
瑟請新聲瑤音邈超越神驚自束躅不為天寒發

細雨

小雨滿前軒濃陰不時卷隨風氣潛潤竟日花微泣池  
光慘澹昏樓色依微辨寒添夕景長坐逼秋容晚楚客  
歌沈寥吟懷孰云淺

灘陽歌

梁人猶唱灘陽歌隋人水調能相和梁人池臺已平地  
隋人岸樹空嵯峨梁人隋人去如水水聲日夜流不已  
張巡廟前春草生里人尚識將軍名國讎已滅心不死  
憤氣半夜凌蒼冥丈夫節義豈在小願為長劍列長鯨

昨日風贈王舒

昨日風今日雨門前泥坑昨夜土秋懷慘悽誰最多江南秀才洛下旅十年麻衣走南北飢寒不比倉中鼠悠悠暖日庇重雲舉頭望天不得語

貢父在京口阻潮未渡

向晦月消魄楚濤為之哀坳堂無深涉客子緩歸期吟遶沙步闊眺賞秋山奇大川漲南島落日明西垂登高既易賦懷古惟難詩喟彼一帶阻積此三歲思何當命



海若利涉慰調飢

登禪智寺上方贈同遊諸公

重岡抱城起清川帶野回舊都遷陵谷遺寺空池臺修  
竹入晡靄荒蹊轉崔嵬鳴禽畏人起故老驚客來置酒  
感興廢浩歌寄歡哀伊昔遊此人於今安在哉谷深春  
先覺地爽景後顏造適暇一笑願盡此餘杯

楊白花

飛飛楊白花隨風渡江水江水來不極楊花去無已鴉

啼淺深樹落雪千萬里春氣傷人心綿綿復如此

過海舟

秦王好神仙東上瑯琊臺娥眉綠髮五千輩去乘長風  
欸蓬萊對此秦人海旁立生別死分不敢泣但見高帆  
雲中沒野鳥悲鳴為翔集過海舟何時還火焚荊棘空

驪山

睡起

日午吏稍休池上逍遙眠水木澹相映庭戶清無喧時

有山中禽來鳴高樹巔微風拂衽過會意成脩然有生  
滯形役萬物安靜便媿無淮陽績高卧亦終年

采藍寄王深甫

采采澤中藍制為金翠衣春風為君舞宛轉有光輝良  
辰古易失麗色世云希嗟嗟不盈躬日暮空來歸

李靚以太學助教曾輩以進士及第歸俱會郡  
下素聞兩人之賢留飲涵虛閣

孤鸞方北遊威鳳復南翔邂逅中道遇孔音何鏘鏘太

金匱山房集 卷四  
平向百年此固多美祥擾擾都人士爭先覲輝光雖無  
醴泉流江水清且長雖無朝陽桐翠樹茂且芳念將萬  
里逝願得少傍徨為君阿卷阿因以謝楚狂

秋興三首

微風起閭闔秋意日以滋陰蟲羣悲鳴草木同變哀天  
道雖茫昧平分為四時功成自當去搖落何獨悲

魏牟貴公子沈沒功名閒一浮江湖水慘戚顏朱顏魯  
連揖萬乘踏海如忘還棄世脫敝屣風流安可攀

耿耿秋月輝中夜西南流牛女永相望婉孌悲素秋安  
知乘槎翁徑出海外遊天路或幽險神仙非所求

奉同永叔于劉公曹家聽楊直講女奴彈啄木  
見寄之作

空林多風霜霰零啄木朝飢悲長鳴口雖能呼心不平  
誰彈琵琶象其聲雌雄切直相丁寧欲飛未飛皆有情  
琵琶八十有四調此曲獨得傳么妙翠鬟小女自絕殊  
能承主歡供客娛轉闕揮撥意澹如坐人雖多旁若無

醉翁引觴不汝餘詩老彈鋏歸來乎兩君韻高尚如此  
何況櫪上之馬淵中魚我生不曉世俗樂傾卧江城更  
寂寞中園有時聞啄木雖有高下無宮角木聲犁然當  
人心嵇氏之風殆可學淵明無弦非無意白髮秋來自  
少樂得公新詩濯我愁因問楊子更借不我欲醉聽江  
城樓

與景仁聖俞飲景尋西園

鬢髮今欲白山林未能往每逢負郭趣默有歸田想置

酒松柏下當春更蕭爽欣欣二三子相與留一賞  
蚤花何娟娟秀色傾宿莽馴禽聲喧呼永不忘  
羅網物情樂於適未必在深廣育育井中魚胡  
然困偃佚佳哉主人翁示我以天壤放懷寓一  
醉益愧鳴佩響

同介甫和聖俞贈狄梁公裔孫

陳平智有餘周勃勇無敵兩人相提衡終復漢社稷  
梁公柱石姿獨立謝羣力匡君多直言薦士有深畫  
既扶將頽運亦起未然策事業兼二子皓然霜雪白  
偏財戒

獨往特達見全德誰謂十世遠風義猶不隔末孫何支  
離畎畝有餓色明詔問樂鄉布衣列士籍名垂天壤閒  
氣使懦夫激聞君商聲歌更若出金石

贈聖從侍制

君居御街西我居御街東如何百步閒十日不相從君  
非園中植落落千丈松我亦湖海人庶幾孤飛鴻俱遊  
人世閒俯仰豈不同蕭蕭髮向白哀哀嗟轉蓬仕固不  
期達貧亦不諱窮行當一麾去幸識櫻寧翁



蚤至涼榭觀芙蕖

林深池亦淺日出光晚及粲粲花尚含溥溥露猶挹良  
魚潛復躍幽鳥翔又集物情恍如慕心賞浩難識誰能  
贈遠人采采空佇立

同諸客飲涪州薛使君佚老亭

百尺井底泉激輪作飛流潺湲入亭戶宛轉如奔虬主  
人三署郎持節西南州棄之卧故里富貴安足留却埽  
長閉門贏餘非所求客來坐林下尊酒相獻酬未嘗思

朝市餘思良悠悠乃知獨往意不必山林幽衣冠多雋  
才繼踵公與侯誰能懸其車五十未白頭嗟嗟賢大夫  
此風可鎮浮為問三輔閒何如馬少游

曲水臺竹閒默坐

杖履不能遠逍遙池上林微風起衆響炎日隔繁陰斐  
亶激泉流閒關語鳴禽放懷在達人寄賞欣會心既謝  
朝市喧亦忘山谷深雖知非我室猶以開煩襟

野望

重陽去寥落小雪碧蒼茫獸起駭枯草鳥歸橫夕陽薄  
雲低引白哀菊暗消黃竚立胡為久愴人非故鄉

蕪城閒望

幽尋古城上秋景日淒淒落照映原沒陰蟲當路啼隋  
宮變蕪蔓楚分失端倪自是傷亡國非關醉眼迷

送張六大尉新安

新安好山水想復似桐廬吏隱應相稱官卑還自如洛  
塵趨走裏周俗戰爭餘會自求知己頻飛一鶚書

金瓶梅詞話卷四  
小 雨

春城頻過雨一望一增新  
欲晚雲成錦初晴草似茵  
和聲散喧鳥芳意屬遊人  
向晚車馬息東風飛暗塵

玉 津 園

垂楊冉冉籠清籞  
細草茸茸覆路沙  
長閉園門人不入  
禁渠流出雨殘花

短 槐

在水陸院

蹣跚不稱三公位  
偃蹇空妨數畝庭  
只有老僧偏愛惜

倩人圖畫作書屏

揚州壽寧寺

周世宗  
嘗幸此

隋宮老荊棘淮地阻山川天子周王狩諸侯楚社遷宿  
居江水上休甲古城邊清蹕曾過此高臺亦宛然

殿空生影響盡古剝丹元缺甃驚跳鮒遺碑失紀年廢  
興真可感者舊每多傳一咏蕪城作斜陽聞暮蟬

送人之洛

逢人問嵩少千里駕征軒倦馬夜未寢鳴蟬秋尚繁風

煙新邑洛冠蓋上東門合有西賓問歸時許共論

聽鐘

陋巷客回轍夕陽鐘送秋寒聲滿空谷暝色下高樓斗  
逐悲風起微蕪遠角收旅懷傷急景聽此愧淹留

于司錄東園

辟疆園圃壓城闔聞道池臺事事新自置一尊消永日  
別留磐石待幽人雨添菊色迷三徑風散花香入四鄰  
亦欲肩與乘興去主公何必舊相親

芙蓉池

綠華青蓋滿方塘  
雨灑風吹著處香  
淨埽釣磯雙樹下  
醉敲涼枕弄秋光

觀城上梅花憶和

城頭梅樹花初發  
每到花前憶剡中  
白水碧山應有約  
與君攜手過春風

雨後登坐嘯亭

風卷高花舞成雪  
雨濕芳草綠侵雲  
層軒獨立時惆悵

金史四庫全書  
卷四  
淮北春光過五分

黃薔薇

綠葉黃花相映深  
水邊臺畔結浮陰  
何人解賞傾城態  
一笑春風與萬金

清明後鴈

留滯江南久  
今來萬里歸  
春風稍和煖  
作意入雲飛

江行寄隱直

自念復遠適  
與君仍解攜  
天文鶉首尾  
地勢陝東西  
江



漢饒風雨關山盛鼓輦離憂各易老秋意欲淒淒

始秋

秋色忽已改旅程殊未央水雲含變態山雨送淒涼  
杳杳青楓暮菲菲白芷香多才悲屈宋搖落近滄浪

山寺

野竹檀欒翠孤峯杳靄青山樓隨詰曲石路上青冥  
雲色移時合鐘聲隔水聽似聞堪避世遊子未嘗經

琵琶亭

江頭明月琵琶亭一曲悲歌萬古情  
欲識當時斷腸處只應江水是遺聲

觀南戍士卒作樂

簫鼓軍中樂旌旗歲晚過  
激昂雙劍舞慷慨萬人歌  
睥睨荆衡小騰凌虎兕多  
北風隨殺氣橫絕洞庭波

小園春日

草色初新柳帶長宿煙朝露溼  
朝陽東山雲起西山碧  
南舍花開北舍香

風雨寄張野人

天地初開泰雷雲未厭屯泥深長閉戶謀拙苦憂貧狼藉千株雪空亾一半春仍愁三徑裏草色斷幽人

聞聖俞移官雲上以便歸養

親老不擇祿此心如古人戴星捐吏事戲綵過鄉鄰若下開新酌汀邊咏白蘋醉吟俱入手亦未負青春

晚酌

楚山何處雨天氣晚來涼迤照原野靜清風松桂香高

樓半雲霧遠水入滄浪幽意驚飛動真憑酒散狂

城南泛舟

乘興隨所適出郊聊汎然清波能照髮白鷺巧迎船老  
樹悲秋雨高風急暮蟬孤城隱不見落日暝浮煙

秋晴西樓

秋風卷陰翳廣野見秋毫木落山覺瘳雨晴天似高開  
窗置尊酒看月湧江濤高卧淹湖海非關氣獨豪

遣思

淮上秋光疑客恨，城頭暮色凝斜暉。  
獨遊未必能勝醉，遠望由來可當歸。

觀魚臺

落日含古意，高臺多遠心。  
魚龍潛凍水，蟋蟀有哀音。  
江漢南浮遠，關山北望深。  
張衡四愁意，歷歷起登臨。

雪後登觀風樓

雪帶郊原闊，城橫碧玉齊。  
夕陽寒似落，遠樹望如迷。  
旅鴈情更急，棲鳥飢亂啼。  
彊歌非郢客，竟日戀危梯。

九日

采采黃花菊飄飄閭闔風醉從紗帽落興與古人同北  
岳烽煙隔甘泉候騎通悲歌傷遠目不是為青楓

梅花

澤國春還蚤山梅臘競花續紛迷雪意浩蕩逼年華驛  
使紅塵遠江風短日斜芳菲恐易失愁思亂悲笳

雪後

飛塵暫消息春意日冲融野水涓涓綠林梢靡靡紅躍

魚輕泮凍鳴鶴舞和風出處驚時節悠悠看歲窮

春陰

江上浮雲聚城中暮景兼東風酒味溢小雨客愁添寒  
色端侵牖斜陽不滿簾留滯成楚老卑濕意無嫌

初晴

雨餘春更好日出望還新喧鳥啼驚客林花笑向人年  
華如過鴈世事劇飛塵置酒陶嘉月溷溷醉任真

庶幾堂雨夜偃几作

短夜催微月流雲溼太空蕭蕭節竹雨颯颯舞松風形  
影明燈裏歡娛隱几中吾衰儻未甚正復夢周公

離京後寄貢甫隱直

清川如帶屢迴環信宿猶居百里閒敢恨淹留同杜渚  
正憐風雨似梁山月殘虛魄無由共雲映高樓不可攀  
却怪夢中翻識路化為蝴蝶一飛還

鼓角樓宴席

周城百雉擁中軍阿閣三階麗白雲燕雀應知依盛德



山河相與助雄文，輕裘緩帶居多暇。  
旨酒嘉肴容易醺，還識魏牟懷北闕。  
正逢長日扇南薰。

臨波亭

綠楊芳草舊無蹊，竹塢花源敵剡溪。  
水影時翻高檻動，天形畧抱暮城低。  
逢迎野興鷗雙下，點綴春愁鶯亂啼。  
宿雨楚山雲正滿，高樓莫上使人迷。

春晚

芳草不少住，白日定空長。  
庭樹暗新綠，春衣生晚涼。  
悠悠

悠向時節細細倒壺觴誰使風前絮來參醉後狂

登東城樓

高樓望不極野興遠相追宇宙一長嘯山川多所思薄  
寒才勝酒短景不禁棋俯仰哀羣動遼遼見爾為

寄題歙州流杯池

公子愛客意高山流水閒清波無斷續翠輦自迴環野  
興四時得棠陰終日閑何當竹林賞醉耳聽潺潺

澄心堂讀許渾以下諸詩

許渾詩後三百年長嘯空堂覽舊篇落日孤城曾不改  
曲池高榭復依然塵埃暫憇道路客文雅相追今昔賢  
魚躍鳥歸殊有意卜居仍欲近湖邊

月夜

月出浮雲盡風生中夜清星辰競搖動河漢湛虛明老  
樹稀疎影驚禽斷續聲秋懷先已亂蟋蟀更宵征

荷花

水國非人境芙蓉五月秋亂香清宿醉濃艷破征愁魚

戲都堪數鷗飛絕自由會須窮一賞詰曲任扁舟

七月二日

西風入庭樹天氣颯然秋細雨纔成潤高雲澹不流平  
分感一葉遠興憶扁舟蟋蟀何須急羈人始欲留

送王子直還斤溝

薄薄雲蔽日淒淒寒中人飛飛燕歸蟄漠漠鴈來賓送  
子獨無友悲秋空病身登山復流水便覺二毛新

重過謝氏園亭寄裴博士俊叔王主簿宗傑

徘徊遠林下幽草為誰芳前日同遊客今朝俱異鄉東  
風離澹蕩陳迹似淒涼何用江千里春心故易傷

賀司馬君實何濟川得龐公炭

上府愛才天下聞兩君素出將軍門欲正大爐慰民望  
豫排寒氣作春溫不煩束縕資遊說聊取優賢報國恩  
自笑野人卧窮巷負暄方擬獻天閭

送洛南周侍丞

不知商洛道空暮紫芝歌從事老將至送君情獨多雙

金少卿集卷四  
鳬尚方去駟馬故鄉過想見揮絃樂春風初扇和

五月望日赴紫宸謁待旦假寐

半夜北風天返寒倒衣驚問紫宸班雲容不辨陰晴際  
月色猶迷爽氣閒獨喜鳴雞應鐘漏正憐殘夢識江山  
濯纓簪筆初無補空媿紛紛數往還

月夜期江梅兩君不至

日入更灑埽脩然庭檻空酒杯落明月白羽來清風佳  
興自不淺幽人無與同徘徊卧林下重露霑蘭叢

和直孺夜涼

急雨逐雲過微風吹月生寥寥天宇闊粲粲葛衣輕輾  
轉漏將永昭回河正橫秋槎舊有信忽憶泛滄瀛

和永叔憶幽谷

蚤聞幽谷未曾窺翠碧清寒入夢思到眼惜無名手畫  
醒心欣得醉翁詩種花舊比甘棠樹刻石今成峴首碑  
使我一麾從此逝勝遊當不減君時

陰山

陰山天下險鳥道上峻嶒抱石千年樹懸崖萬丈冰悲  
歌愁倚劍側步怯扶繩更覺長安遠朝光午未昇

留別永叔

回車欲度幕南庭此地那知眼解青老覺鬢毛俱種種  
醉來風動盡冥冥平時慟哭休論事遠別悲歌更忍聽  
且共春風同入塞憶君時計短長亭

朱橋

朱橋柳映潭忽見似江南風物依然是登臨昔所諳犬



聲寒隔水山氣晚成嵐留恨無人境幽奇不盡探

十二月二十七日宿柳河聞永叔是日宿松山

作七言寄之

相望不容三日行多岐無奈百長亭欲知河柳春來綠  
正似松山雪後晴

澶州

窮谷迴看盡孤城平望遙

自古北口山至此都盡

市聲衙日集

此州

衙日市集

海蓋午時消

每日海氣如霧至午消盡土人謂之海蓋

冠帶才通漢山

卷四  
川更入遼春風解冰雪最覺馬蹄驕

紅玉誰家女

紅玉誰家女明艷奪青春羞人不得語含笑却成顰

冀州正月十六日飲席

月缺雪殘雲亂飛  
千燈相照續長暉  
寒欺短夜禁杯酒  
春入東風試舞衣  
老惜佳辰經歲得  
醉驚陳迹出門非  
漁陽鼓節尤悲壯  
知我心從萬里歸

登平山堂寄永叔內翰

蕪城遠地隔人寰盡借朝陽萬疊山江氣橫吞飛鳥外  
嵐光平墮酒杯閒主人寄賞來何暮遊子消憂醉不還  
無限秋風桂枝老淮王先去更能攀

雨後回文

綠水池光冷青苔砌色寒竹深啼鳥亂庭暗落花殘

城樓

新晴彊人意步上西城樓雲煙開井邑綺繡錯田疇離  
離麥就熟翳翳桑尚柔懷歸感初服覽物悵淹留

雨中聞鐘

疎鐘不隔雨迢遞入重城倦客未能寐歸禽初不驚霏  
微隨暮色颯沓隱秋聲簾幕鮮風起明朝應蚤晴

與楊十二延平同登城東門

綠柳浮萍合青山畫幃開登臨共今古壯觀雜歡哀長  
日消碁局微風彊酒杯浮雲滿西北容易雨飛來

蟻鬪

擾擾嗟何急營營若有侵由來穴知雨非爾旱為霖王

伯彊并弱興亡古到今願推達觀理安得異機心

微雨登城

雨映寒空半有無重樓閑上倚城隅淺深山色高低樹  
一片江南水墨圖

中秋見月

微風送雨江南去涼月銜雲水上來暑氣頓除秋暗入  
忽疑浮漢弄昭回

雨中送友入京兼柬諸親舊

江外五年別齋中三日留何能慰衰疾正足亂羈愁澤  
國瓜時雨淮山桂樹秋思歸與招隱一二謝交遊

珍簾

珍簾平鋪水珠簾半捲風勞生高枕裏多事劇棋中性  
僻非朝隱民淳賴歲豐然對松菊但覺訟庭空

蟬

微軀定誰恨清嘯不知勞屈宋悲秋苦夷齊卧隱高風  
林含咽絕露葉動蕭騷何必催搖落人今已二毛

臨雨亭

秋至感人思登臨成惘然浮雲帝鄉外落日古城邊歸  
燕聲相別幽花色可憐名山負獨往觸物見年年

和少述題虎邱

吳墟秦燼滅遺蹤惟見千巖鏤梵宮化出樓臺雙樹外  
密移天地一壺中石形虎踞森相向劍氣龍蟠冷射空  
羈宦無由蠟山屐因君詩句夢江東

谿上避暑

滴瀝松下雨清微萍際風欣然此時賞我與斯人同倦  
鳥墮水上遊魚翔鑑中不言閱羣動未覺幽興窮

樂郊魚臺下柏林中結茅作小亭命曰幽素木  
懿臣刑部之書也謝且戲之

結茅更好好列柏自成林素履宜獨往幽人欣宿心炎  
暉翳槐蓋清吹和瑤琴稍與事物遠忽如丘壑深良無  
山水趣安得契知音

寄內



年久漸難禁遠別宵長初信有相思天寒輾轉不得寐  
一夜風吹庭樹枝

丙申閏月鎮揚州與京師諸公別戊戌十一月  
受詔還閣首尾僅三年爾然原叔伯庸隱甫  
子奇公南清卿之翰昌言八人者皆已徂謝  
感之悵然作七言寄滑州正臣密學給事

冠蓋如雲笑別時亦知陳迹易傷悲歸來未似鍾山醉  
零落多于鄴下詩人事可憐駒過隙秋風幾許鬢成絲

金匱石室  
卷四  
何須更聽山陽笛欲近西州涕自垂

汾州有唐大厯中崇徽公主嫁回鶻時手蹟在  
石壁上李山甫作七言詩并刻之子華永叔  
內翰皆繼其韻亦同賦

錦車西去水東流漢節何年送解憂獨上青山自惆悵  
彊歌黃鵠少淹留遺蹤不逐哀笳斷麗句空增北渚愁  
君念平城三十萬謀臣奇計已堪羞

同梅二十五飲永叔家觀所鈔集近事

陶公一畝宅尤愛北窗風心遠地成僻客來尊不空觀  
書太史氏全性市門翁子亦何為者於茲清賞同

聽女奴彈胡琴

女奴能為馬上曲一彈一彈復一彈我醉已眠都不醒  
半天落月微霜寒

獨行

南山半雲雨天氣雜暄寒野興空獨往春愁無定端鳥  
聲來靜聽柳色入遙看却謝芳尊酒悠悠誰與歡

晦日

是月佳遊勝茲辰舊俗同會須陶一醉相與送諸窮江  
柳參差綠林花點染紅春期有大半作意競東風

喜雨

涼風響高樹清露墜明河雖復夏夜短已覺秋氣多艷  
膚麗華燭皓齒揚清歌臨觴不肯醉奈此粲者何

絕句

青苔滿地初晴後綠樹無人晝夢餘惟有南風舊相識

徑開門戶又翻書

芷亭

籍甚離騷後  
芬芬楚澤濱  
移根煩老圃  
比興得佳人  
秀色誰與玩  
清香不自珍  
吾廬故可愛  
況及物華春

瑞竹

雙幹同本  
因以瑞名

聳節偶相望  
雪霜終不迷  
應將古人比  
孤竹有夷齊

獨宿直舍

談笑從容宮漏稀  
高軒去盡掩重扉  
風含玉宇霜威勁

金匱山房詩集 卷四  
月墮瑤窗燭影微周衛相望喧夕警爐香不斷護朝衣  
塵軀更覺仙山峻旅夢端從江海歸

直舍竹下殘雪二首

阿闕三堦敵井榦宮牆十仞逼雲端故留殘雪侵春事  
欲傍孤篁老歲寒

重疊空堦委玉塵蕭疎碧篠凍浮筠地寒自稱孤高節  
不共陽林競蚤春

同持國過江上新築池塘亭

吏隱由來事郊居故自宜池臺隨意定泉石象天為珍  
樹移時語清風竟日棋市朝情久厭野老不相疑

麴子嶺帳館寄隱直

離腸易感歲華催更席龍沙望紫臺持節不眠宵自永  
聽笳無事淚空摧扁舟何處山陰雪驛使他年嶺上梅  
欲寄一書愁已亂天邊應候客星回

得貢甫巢縣書云阻風

別離常作惡衰老異他時望望風波苦悠悠兒女悲江

空人迹絕天迴鳥飛遲若復無雙鯉何由慰我思

和御製後苑賞花釣魚詩

四照繁英拂檻開九重紫蓋賞春來卿雲共和光華旦  
瑞露偏凝沆瀣杯池藻躍魚波澹蕩林光傾日影徘徊  
淮陽閉閣頭今白夢遶釣天惜未陪

駕幸飛山教場閱武侍宴

冬令三農畢時巡萬乘行川原分壁壘貔虎望麾旌王  
氣雲成殿天光日繞營風隨鼓枹急塵絕馬蹄輕發石



機投短枰弦火激明響振

平聲

摧列缺影墮落欖槍令下

疑霜肅思加挾纊平拳旗輕俯仰奪槩妙縱橫壯士前  
歌勇儒生縱觀榮炙行烽燧舉觴溢海濤輕清道遙傳  
警鳴鞭夕向城欲知威畧遠區外警天聲

贈別長安妓茶嬌

玳筵銀燭徹宵明白玉佳人唱渭城更盡一杯須起舞  
關河秋月不勝情

陳副使遺藁

陳洎字亞之彭城人曾知懷州審刑院寶元閒為屯田外郎慶厯五年轉吏部外郎加直史館遷度支副使尋調鹽鐵皇祐元年以副使行河還卒其孫師仲師道藏其手書遺詩二十五篇嘗出以示一時名公如林希司馬光孫覺蘇軾蘇轍徐積錢世雄任希夷李璣俱有跋語極為推重曲阜顏復弁序稱其詩辭格秀古愈澹泊若愈深如借宅云四壁舊貧寧畏盜一枝雖小易容巢贈無已師云他年遠公社若箇是

遺民讀之令人灑然若醒今二詩全篇不可得零章  
斷句朗誦一過已覺淪淪乎清風生於齒頰間也

離郭店馬上回寄鄉知

迴望離亭映楚山慨然西笑入長安貪程野僕擔書引  
惜別鄉人駐足觀霞襯曙光烘積靄柳和春雨蕩輕寒  
遙期此地歸來日迎取相如駟馬看

黃鵠

呼樹止陵陽逢辰下建章竒姿標上瑞正色麗中央昭

金史四  
祀祠壇畔聲歌太液傍鳳教鴻作侶天與菊為裳神雀  
非靈異流鶯愧采章集汙寧我類一舉戛雲翔

過項羽廟

八千子弟已投戈夜帳猶聞怨楚歌學敵萬人成底事  
不思一箇范增多

寄寶臣寺丞

萬里扶靈宅壽阡謝公純孝是家傳廬開四尺同寒士  
櫟列三圍陋昔賢先域定生連理樹門人多廢蓼莪篇

我心罔極君應念  
露白霜清泣昊天

藍溪間居

白鹿原東虎候西  
結廬岑寂映藍溪  
露侵僧履蘭三徑  
春入農歌雨一犁  
聒枕溜聲疑水宿  
拂檐山色類嵒棲  
閉門養拙無人問  
揭盡陳編日又低

開元寺凌虛閣對雪寄解唐卿

瑤滴琳華一夜凝  
凌虛雕檻曉來憑  
眼觀銀色三千界  
身到瑤臺十二層  
玉灑砌塵供庾斛  
粉融檐水妒房陵

金史卷之二十一  
卷四  
化人宮好分明在恨不同君把袂登

雉媒

朱冠袞背一何鮮聲厲情驕目悍然若道物情皆錫類  
雉媒爭似鷓鴣媒賢

還劉處士先令公鄆功名錄

劉公事  
朱梁

當年力戰蕩妖氛十萬雄師四七勲將畧妙欺班定遠  
家聲高過李將軍銘圖魏鼎文猶在筆勒燕山跡尚分  
今日閑披有遺恨可憐生不遇明君

讀劉蕢策

以指斥貴倖不顧忌  
諱有司知而不取

藥石危言治亂箴賈生晁錯是知音可憐當日司文者  
不畏人言合愧心

謝人惠三峯朱柿

烏桕珍果益丹名新折紅林蒂尚青漿冷夜凝仙掌露  
味甘秋割楚江萍圓堆玉盃櫻難並賸薦金尊酒易醒  
應念茂陵消渴者整籃封貯到雲扃

過田文墓

當年聞奏雍門琴話著池臺淚滿襟何況今朝陵谷畔  
池臺無跡可追尋

對雪寄崔仲裕

時在藍田聞  
崔在酒舍

奪鶴韜霞勢漸濃卷簾庭館好支筇乘查路闊寒凝凍  
種玉畦平曉被封天上瑤宮當月圓海中銀闕聳鰲峯  
思君不得同吟賞知在旗亭第幾重

南齊

曲江歡宴侍華裾舞拍琴歌菽有餘獨有純臣王叔寶



解陳封禪一篇書

南齊太祖曲江宴羣臣各使效技藝  
褚淵彈琵琶王僧虔彈琴沈文季歌

張敬兒舞王敬則拍王儉曰臣無所解惟解誦書因跪  
帝前誦相如封禪書帝笑曰此盛德之事吾何以堪之

湖上逢漁者


雨蓑煙笠洞庭秋，獨蠶綸輕一葉舟。  
擬共停橈醉天幕，緩歌濯足不回頭。

秋日端居

暑退蚊雷靜，門閑雀到稀。  
露莎蛩自急，星樹鵲何依。  
井臼貧雖樂，溪山遠未歸。  
時情似秋鴈，一一背寒飛。

讀子虛賦

聽辭深悵不同時及到同時位大卑爭似唐皇將頗牧  
禁中言下用無疑



宋百家詩存卷四